

**Yá'aashdée' Áká
I'iilyeedii**



Yá'aashdédé' Áká I'iilyeedii

Yá'aashdédé' áká i'iilyeedii éi Diyin God bizaad bii'dédé' bitah dahaasdláa'go éi yaa yálti'ii ahídadéét'i'ígíi diyingo bee ak'e'ashchínígíi ahídeidzogo ályaa. Diyingo bee ak'e'ashchíinii Diyin God bizaad t'éiyá t'áá'íiyisí yá'át'éehgo halne'go ch'ihwii'aahgo yinishdlá.

Diyin God bizaad éi yá'aashdédé' nihwiileeh áádóó t'áá'ákogí'át'éii yíká dichin áádóó dibáá' danilíinii t'áá'aaní yéego yíká'ahilyeed. Diné la' baqhági'át'éii yits'ágháahgo, bijéi bii' góne' Bóhólníihii Jesus Christ hináa doo biniyé yá hoo'aaahgo áádóó yoodláago bijéi t'áá'át'é yee Bóhólníihii Jesus Christ biyisdá'iiníilii yileeh; Bóhólníihii hach'í' yit'ini ídidoolnííł áádóó bibee'il hózhó índa bibeehasht'ehodít'é haididoo'áál. Shí kót'éego díi 1937 yihah yéedáá' shíł bééhoozin, áádóó wóshdédé' díi ayóó'ánoolningo Bóhólníihii bíł k'é ahidishnínígíi ts'idá t'ah doo k'ínishníish da. Áko k'ad ni dó' baa ádinit'aahgo niyisdá'iiníilii áádóó niBóhólníihii dooleel, t'ah doo ákóninééh ládáá'.

Diyin God Bibee'ayóó'ó'óni'

Romans 5:8

Ndi t'ahdii baqahági áánílii daniidlinéedáq' Christ nihá daaztsá, éi bee Diyin God yee ayóó'ánihó'níinii nihil béedahózingo áyiilaa.

John 13:1

Atis'adeesdzá bee béehániihii hodílingo álah ná'ádleeh t'ah bitséedi, díi nahasdzáán bikáá'dóo aTaa' bich'í' Jesus dah nízhdidoodáalgo baa hoolzhiizhígíí hoł béehózingo, nahasdzáán bikáá'gi diné hwíí' daniliinii ayóó'ájó'nínígíí t'áá ayóó'ájó'niigo nihoolzhiizh.

Revelation 1:5

Índa Jesus Christ ba'ahódlíii, oo'iinii k'ehgo halne'ii, aninéedéé' áłtsé hinááh násdlí'ii, ni' bikáá'gi aláahgo naat'áanii daniliinii yinant'áii, éi bibee'ajooba' índa bibee'ach'í'hózhó náhásdlí'ii yee nihik'íjidlii doo. Ayóó'ánihijó'niigo hadił bee nihibaqahági'át'éii nihaqah táádzizgiz.

John 3:16

Háálá Diyin God éi nihokáá' dine'é t'áá'iiyisi ayóó'ájó'niigo baq haYe' t'áálá'i há yizhchínígíí baazhníłtí, áko t'áá háiiida boodláago baa dzólıhígíí éi doo ádoodjıl da, ndi iiná doo nínt'i'ii bee hółqo dooleel.

Jeremiah 31:3

T'áá alk'idáq' Bóhólníihii niliinii shich'í' yit'ini í'diilyaago kóni, T'áá'aanii hool'áágóo bee ayóó'ó'óniinii bee ayóó'ánínish'ni, éi baq ayóó'ó'óni jooba'ii bee ádích'í' ndidziz.

Jesus Christ Éí Diyin Nilį.

I Timothy 3:16

Deiniidláanii bína'niltin doo bééhózin da yéé éi ts'idá doo naaki nilįgóó ayóó'át'éii át'é: Christ Diné Silį'i Nilch'i Diyinii bee ts'idá t'áá ákogi ájit'é ho'doo'niid, Áádóó diyingo ndaal'a'i dahoołtsá. Ał'aa dine'é bitahgóó haa hóone', Nihokáa'gi ho'doosdlaągo ha'oosdlii', Yá'aąshdi adiniliid biyi'ji' náho'diiltį.

Matthew 1:22, 23

Diyin God yá halne'ii binahji' Bóhólniirii hahasdzí'éé altso bohodoolniil biniyé ádzaa. Jó'akon, ch'ikééh t'ah doo diné bee haleehii awéé' bee hodooleelgo ashkii yidoolchiil, Éi Emanuel bee yidóojiil, (éi Diyin God nihił hóló, jinigo óolyé).

John 14:9, 10a

Áko Jesus ájini, Philip, da' alk'idáą' nihił nihidiishkai ndiish, t'ah doo shéehonisiįh da? T'áá háiida shiiltsánigii éi aTaa' yiyiiltsá. Ha'át'éegoshą' áko aTaa' nihił béehonisiįh shidini? ATaa' bii' honishlónigii inda aTaa' shii' hólónigiish doo yinidláą da?

John 1:1 and 14

Hodeeyáadi Saad jilį, Saad éi Diyin God bił hojiló, inda Saad éi Diyin God jilį... Saadigii éi diné dzizliį', áádóó ajooba' áádóó t'áá'aaniinii hwii' hadeezbingo nihitahgóó kéehojit'įi nt'ée'.

Jesus Éí Diyin God Biye' Nilį

I John 4:15

T'áá háiida Jesus éí Diyin God biYe' nilįgo bee hadziidziihígíí éí Diyin God hayi' hóló, áádóó Diyin God biyi' hojiló.

Colossians 2:9

Háálá Christ diné dzizlįį'go Diyin God yee át'ėii t'áá'át'ė hwii' hóló.

Isaiah 9:6

Háálá awée' nihá bi'dizhchį, aYe' nihaa yiltį; biwosgi naat'áanii yee hoo'áalii baąh siláa doo, áádóó Bízhi' éí Ayóó'ánoolningo, Kót'ėego Niinii, Diyin God Ayóó'ábóodziilii, Hool'áágóó aTaa' Niliinii, Hózhóǰí Yinant'áii, bidinii doo.

Luke 1:35

Áko diyingo naal'a'í hanáánaádzii'go áhodíiniid, Nilch'i Diyinii nik'i hwiidooleel, índa Ts'idá Aláahgo Át'ėii bibee'adziilii nik'iidooldoh; éí baą awée', Diyin niliinii, díilchilįgíí Diyin God biYe' bee yidóojiil.

Matthew 17:5

A'ko t'ah yájliti'go jó'akon, k'os bits'ádi'niliidgo hol leeshoogizh, áko biyi'déę' iinée' diists'ąą'go áni, Díi shiYe' ayóó'óosh'niinii jilį, t'áá'iiyisi haą shil hózhó; dahwiísólts'ąą'.

Jesus Háí Át'iinii Yee Nihil Halne'

John 8:23

Áádóó ábizhdíiniid, Nihí nihokáá'dóó ndaahkai, shí t'éiyá wót'ááhdéé' naashá; nihí nahasdzáán bits'áádóó dahosoolíí', shí doo nahasdzáán bits'áádóó hoséíí' da.

John 11:25

Jesus ánááhodoo'niid, Shí náá'di'yijeeh índa iiná nishí; t'áá háiida shoodláago sheidzólíii éi daaztsáa ndi, hináa doo.

John 13:13

Na'ntini índa Bóhólníihii dashidohní; áko t'áá'aníígoó ádadohní, háálá éi nishí.

John 9:5

Nahasdzáán bikáá' naasháago, nihokáá' dine'é bá adinidíin nishí.

John 6:35

Jesus ánááhodoo'niid, Shí bááh bee iináanii nishí; shaazhniyáhígíi éi doo dichin náázhdoodlel da, áádóó shijoodláago sheidzólíii éi doo dibáá' náázhdoodlel da.

John 8:58

Jesus ánááhodoo'niid, T'áá'aanii, t'áá'aaníígoó ánihidishní, Éibraham t'áá bitséedi honishí.

John 10:7

Áko Jesus ánááhodoo'niid, T'áá'aanii, táá'aaníígoó ánihidishní, shí dibé bich'é'étiin nishí.

Jesus Éí Áłílee Ła' Yaa Naayá

Matthew 14:19-21

Áko diné yíl'áhígíí, Hootsogóó dinohbìjìh, bizhdíiniid; áádóó lees'áan ashdla'ąą ında lóó' naaki yęę nìzhdiinilgo, yá'ąąshgóó dzidéez'įį'go bik'i soz-doolzin, áádóó njiitiihgo lees'ánęę hódahool'aahii bitaajinihgo, éi diné yíl'áhígíí yitaadeiznii'. Áko t'áá'altso da'íiyąą'go hwiih daazlįį'. Áko ndahaasti'go bi'oh da'jiiyá'ígíí náadadziisdłáa'go ts'iizis naakits'áadah hadazdeesbįįd. Asdzáni áádóó álchíní t'áadoo wólta'í dinéhígíí t'áá bízhánigo ashdladi míil daats'í da'íiyąą' lá.

Luke 5:5, 6

Áko Sáimon áhálni, Na'ntiní, tł'ée' biighah dayiniilniih; ákondi t'áadoo ła' shódeisiilt'e' da! Ndi nizaad k'ehgo k'ad lóó' bee hahaltsósí taah deestsos. Ákódadziidzaago, lóó' t'óó'ahayóí biyada'dziiltsooz; áádóó halóó' bee hahaltsósí yęę hats'ąą' dahadlaad.

Matthew 20:30 and 34

Áádóó jó'akon, diné naaki bináá' ádingo atiin baąągi sikéeé lá, áko aadęę' Jesus yigáál ha'niiigo yidiizts'ąą'go kóniiigo hadoolghaazh, Bóhólniihii, David biYe' nílíinii, nihaa jiiinibaah! . . . Áko Jesus haa a'ááh niizįį'go hanáá' yideelchid, áko t'áá'áko ajoo'í dzizlįį', áádóó bikéeé' dashdii'áázh.

Jesus Christ Éí Í'ilalai Áádóó Bóhólníhii Nilí

Háálá yádilhil biyi'di áádóó nahasdzáán bikáa'gi dahólóonii t'áá'altso, daat'iinii inda doo daat'iinii hó hwee Diyin God ádayiilaa, azhá naat'aanii ayóó'adaat'éii, éi doodaii' bídahólníhii, éi doodaii' naat'aanii daniliinii, éi doodaii' óhólníh bee dahólóonii doo daat'iinii t'áá'altso hó hwee Diyin God ádayiilaa. T'áá'altsoní hwee ádaalyaa inda há ádabi'diilyaa. —Colossians 1:16

Ndi díí nihooghááh bich'i' yoolkálígíí biyi' t'áá bí biYe' yee nihich'i' haadzi'. T'áá'altsoní hóó' dooleelgo nihoniltí, t'áá hó aldó' hwee yádilhil biyi'di dah hiniláii áyiilaa. —Hebrews 1:2

Háálá daneeznánígíí inda dahinánígíí éi Bóhólníhii hwee bihólníh dooleel biniyé Christ daaztsá áádóó hinááh násdllí'. —Romans 14:9

John 1:3

Éi t'áá'altsoní ájiilaa, inda dahólónígíí t'áálá'i ndi t'áá hádingo t'áadoo la' ályaa da.

Acts 2:36

Éi baq tsin'alnáosid bikáa'ji' Jesus bil ada'soolkaalé, Diyin God éi Bóhólníhii áádóó Christ nilíigo áyiilaa; díí Ízrel dine'é t'áá'altso t'áadoo naaki nilíni bil béedahózin le'.

Diyin God ba'ahódlíii biYe' Jesus Christ nihi-Bóhólníhii bil ahił danohdlíi doo biniyé nihiká adíiniid. —I Corinthians 1:9

Jesus Christ Éi T'áá'altso Yá Nihwii'aahii Nilí

Romans 14:10

Ha'át'iisha' biniyé nik'is baa nánit'í? Éi doodaléi' nisha' ha'át'íi biniyé nik'is jiinítá? Háálá t'áá'ániiltso Christ bibikáá'dóó ánihwiit'aah bidááhdóó deidiidzjilgo nihaa ndahódóot'ijl.

Matthew 25:32

Áádóó a'aa dine'é t'áá'altso baa álah ádoolniil; inda na'nilkaadii bidibé éi t'ízi yits'áyiiníligi át'éego, éi t'áálá'i nítinigo alts'áidooniil.

John 5:22

ATaa' éi diné doo la' yeint'ijgo yá nihwii'aah da, ndi aYe' t'éi ánihwiit'aah t'áá'altso bee bóhólniih doo biniyé yeidini'á.

Romans 2:16

Jó hane' yá'át'éehii baa hashne'ii bik'ehgo ánihwiit'aah beinilkáadi hajéi biyi'di ndazhniil'inéé Jesus Christ binahji' Diyin God há nihodiyoo'áál.

II Timothy 4:1

Diyin God áádóó Bóhólníihii Jesus Christ, éi dahináanii inda daneeznáanii yaa ndóot'ijlii bináál, áádóó Jesus yidooltséligii inda bee bóhólniihgo bil haz'áanii binahji' ánidishní.

Áko t'áá hó ánihijiniigo bich'í' nihijíil'aad; hane' yá'át'éehii bee diné bil daholne'; dahináanii inda daneeznáanii bá nihozhdoó'áál biniyé Diyin God nihoniltí, dadohniigo, t'áá'aanii nihil béedahózingo baa daholne'.

—Acts 10:42

Christ T'ei Bee Ak'éniná'ilyá

John 10:9

Shí ch'é'étiin nishlį; t'áá háiida shí shee yah íiyáhígíí yisdádooltéél, áádóó yah anádaáh áádóó ch'inádaahgo hootsojį' anáhadaáh dooleel.

John 14:6

Jesus áhodiiniid, Shí hońt'i'ii áádóó t'áá'aaniinii inda iiná nishlį; diné doo la' aTaa' yaa doogaał da, shí sheego t'eyá.

John 8:24

Éi baą ánihidiiniid ni', T'áá ádił da'íinólziihgo dadínóohnéel, háalá shí Christ ásht'įigo doo deinohdláągóogo t'áá ádił da'íinólziihgo dadínóohnéel.

Hebrews 5:9

Éi bee altso la'yilyaago, bik'eh dahól'iinii t'áá'altso bá hool'áągóo yisdá'iildéeh yinaayáii silį'.

Hebrews 7:25

Éi baą hó hwee Diyin God yaa hakáhígíí t'áá nihóńt'i'jį' yisdájiiniilgo bízhneel'á, háalá bá na'ak'iyájlįti' doo biniyé t'áá'álahjį' jiiiná.

Acts 4:12

Náánała' bee yisdá'doodaalii doo nááhódlọ da, háalá yádilhił biyaagi yizhí náánała' bee yisdáhiikáah dooleelii ts'idá doo la' nihokáá' dine'é baa náadeet'áą da.

Christ T'úi Bee Ak'é Niná'ilyá

Colossians 1:12-14

Diyin God nihiTaa' niliinii bich'i' ahééh danohsingo bidiyí' adiindín yii' deikáahii bí' dooleelii bil alts'áá' da'niilk'iiz dooígíi bááh da'niidlíigo ánihiilaa. Chahaltheel bee bóhólníhgo bil haz'áádeé' háánihoo'nilgo, biYe' ayóó'áyó'níinii bee bóhólníhgo bil haz'áají' anihí'eezh. Jesus bidil yee náánihiis'nii'go nihibaahági'át'éei nihá yóó'iidí'á.

I Corinthians 1:30

Ndi Diyin God éi Christ Jesus bil lá'í nohlíigo ánihiilaa, t'áá éi bee aldó' dahoniidzáago, ts'idá t'áá ákogi ádaniit'éego, dadiniigingo, inda baahági'át'éei bits'áají' náábi'diiznii'ii daniidlíigo Diyin God ánihiilaa.

Titus 2:14

Jó t'áá éi nda'iyiilziíh t'áá'altso bii'dóo náánihidiyoolnih, inda baahági'át'éei nihaah ádingo ánihidoolíil, áádóo t'áá bí bidine'é daniidlíigo yá'át'éehgo ádahooníihii t'áá'íyisi bídaniidlíigo baa ndeikakai doo biniyé nihá niná'ádeet'á.

Revelation 5:9

Kódaanígo sin ániidíi yee dahóótáál. Naaltsoos nídidí'áalgo bee ida'diiljeehi bee bidáda'deeshjée'ii aq ádadiíilíigo bááh nilí, Háalá ni'diisyíí nt'ée'go al'aa dine'é áádóo bizaad al'aa ádaat'eelii áádóo nihokáá' dine'é danilíinii inda al'aa dine'é bil dah ndahaz'áanii t'áá'át'ée nt'ée' bitahdeé' Diyin God bich'i' nidil bee diné bik'é niná'íinídlá.

Christ Bidil Bee K'énáhoodqol

Romans 5:9

Éí baq k'ad bidil deezna'ígíí bee t'áa ákogi ádaniit'éego nihá ha'oodzií', áádóo t'ah nááyówehgo Diyin God t'óo báhádzidgo bibee'até'él'iinii bits'áaji' yisdánihizhdoonił.

Ephesians 1:7

Éí ląą Diyin God bibee'ajooba yee alááh neel'áanii bik'ehgo Christ bidil bee náádanihi'diiznii', áádóo ádił nda'ayiilzihęę nihá yóo'iidii'aah.

I John 1:7

Ndi t'áa adińdiin biyi' hojilónigi át'éego adińdiin biyi' dayiniikáahgo, ahidinílnáago ahił daniidli, áko haYe' Jesus Christ t'áa bí bidil yee nihibaqahági'át'-eii t'áa'át'é altso nihaqah tánéigis.

I Peter 1:18, 19

Háalá nihil béedahózingo danihitaa'ąą bi'é'él'i' t'áadoo nánidlinigóo yee ndanihineeztą'ąą bits'áaji' náádanihi'diiznii'. T'áadoo le'é áádijlii, béeshligaii doodaii' óolada éi doo bee náádanihi'diiznii'da. Ndi dibe yázhi hadaalt'éii, doo baqah dahaz'áaniigi át'éii, Christ bidil ilíinii bee náádanihi'diiznii'.

Hebrews 9:14

T'ah yówehigo át'éego Christ t'áa bí bidil yee la'yiylaago éi ts'idá hadaalt'éii nilįigo Nilch'i Diyinii doo nińt'i'ii biniit'aa Diyin God yich'i' náá'adiisnii'.

Christ Joodlaahii Bee Yisdá'iildééh

Ephesians 2:8, 9

Háálá oodla' binahjí' Diyin God bibee'ajooba' yee yisdánihiinil, áko díi doo t'áá nihi ádaahdzaa da, ndi Diyin God einiláii át'é. Doo bik'é na'azhnishii át'ée da, áko doo bee ádaa hojó'niih át'ée da.

Romans 5:1

Éi baq nihi'oodla' bee t'áá ákogi ádaniit'éego nihá ha'oodzii'go nihiBóhólníihii Jesus Christ bee Diyin God bił nihita'gi k'é náhásdlíj'.

Galatians 5:6

Háálá Christ Jesus bił lá'í niidlíjigo éi nihaqah náhinilgish doodaii' doo nihaqah náhinilgish éi t'áadoo biniyéhi da, ndi Christ deiniidlánígii nihe'ayóó'ó'ó'ni' bee bééhózinii éi ilj.

Háálá Diyin God bits'áádóó ndabi'diizhchiinii nihokáá' bił ndahazt'i'ii yik'eh dadidlíjigo át'é. Jó nihi'oodla' bee nihokáá' bił ndahazt'i'ii bik'eh dadiniidlj.

—I John 5:4

John 20:31

Ndi Jesus éi Christ, Diyin God biYe' niljigo deidoohdlaqłígii biniyé diidiígii bik'i ndaháasdzo, áko éi deinohdláqgo baa dadziínóhliigo bizhi' binahjí' iiná nihee dahólqo dooleel.

Áko ádahodíiniid, Haasha' deiit'íjigo t'ei Diyin God naanish yaa bił hózhóonii baa neiikai doo? Jesus ánááhodoo'niid, Diyin God yinił'a'ii deidoohdlaqłgo baa dadziínóhliigo éi naanish Diyin God bił hóshq.

—John 6:28, 29

Diyin God Bibee'aa'a'ááh Hasinii

Psalm 103:11

Háálá nahasdzáán índa yádihil bita'gi ánízádígi ánízahgo diné dabidósinii t'áá'íiyisí bil hadlee'go yaa a'ááh nizin.

Psalm 103:17

Ndi Bóhólníihii aa'a'ááh nizinii éi dabidósinii hool'áádéé' índa hool'áágóó yił hóló, áádóó Bit'áá'ákogi'át'éii éi álchíní áádóó binááda'álchíní yida'al'iinii yił hóló.

Micah 7:18

Háish Diyin God nilínigi át'é, éi bíi' danilíinii yidziihígíi bibaąhági'át'éii yits'áidii'aah índa nda'iisiihii yá yóó'iidii'aah? Índa doo hool'áágóó báháchí' da dooleel, háálá aa'a'ááh hasin bil hóshó.

Psalm 108:4

Háálá aa'a'ááh nínízini yá'aąsh bilááh át'é áádóó nit'áá'aaniinii k'os bineel'á.

Lamentations 3:22, 23

Bóhólníihii aa'a'ááh nízingo baą doo ásiidjíd da, Háálá yee aa'a'ááh nizinii doo nineelnéeh da. Éi t'áá'ákwíi bini ániidí náádleet: na'ahódlíhígíi ayóó'át'é.

Titus 3:5

T'áá nihi ts'idá t'áá ákogi át'éego ádeiizaii binahji' éi dooda, ndi t'áá bí nihaa aa'a'ááh niizji'go yisdánihiinil, náádanihi'dizhchjigo táádanihizgiz, índa Níłch'i Diyinii bee iiná ániidíi nihiih náyooodlá.

Diyin God Shaa Hohkááh, Nihilní

Matthew 11:28

Dziil nihigháanii áádóó nihiyéél dandaazii t'áá'ánóltso shaa hohkááh, áko háadaalyíhgo ánihideeshlíl.

Isaiah 55:1

Shoo, t'áálá'í nootínigo dibáá' danohliinii hágo tó hólóoji' ahohkááh áádóó nihibéeso ádaadinii, hágo kwe'é nda'iyolniih áádóó da'ohsá; hágo t'áá'aanii béeso t'áágééd índa doo báq̄h ilínigóó wáin áádóó abe' ndaholniih.

John 7:37

Áádóó hodilzingo bee nihooghááh bijí álah ná'ádleeḥ góne', Jesus yíizí'go yéego haadzii'go ádíiniid, Diné t'áá háiida dibáá' nilígo, bíni'dii shaa doogáalgo adoodlíjł.

Revelation 22:17

Nílch'i Diyinii áádóó bá'iigehii, Hágo! ní. Azdiits'a'ii hání'dii, Hágo! jini. Dibáá' jíliinii hání'dii jíghááh; iiná tó jinízinii hání'dii t'áá júk'e jidlá.

Isaiah 1:18

K'ad hágo haa'ishá' díi baa ndiit'íjł, ní Bóhólníihii. Azhá ádil ni'iilzíih t'áá'íyisí lichxii ndi yas nahalingo ligai dooleet; azhá dilhilgo lichíigo ndi aghaalgaigi át'éego ligai doo.

Diné Doo T'áá'altso Diyin God Ya'álchíní Daniljí Da

Díí bee Diyin God ba'álchíní índa nílch'i bi'iniizii binant'a'i ba'álchíní a'aa át'éego bee bééhózin: t'áá háiida doo ts'ídá t'áá ákogi ájoonígíí éi doo Diyin God bits'áádóó hojilqo da, áádóó Christ bee hak'is niliinii doo ayóó'ájó'níinii éi doo Diyin God bits'áádóó hojilqo da. —I John 3:10

Jó t'áá'adziltso Diyin God biNílch'i Diyinii hoo'ishii éi Diyin God ba'álchíní dajiljí. Háálá naalte' idljjí bik'ee il náánáyée'go ntsáhákeesii doo ndadooláa da, ndi Nílch', Diyinii bee nihidi'neezánígíí ndadiilyá; éi bee “Ába shítáa', dadíi'ní. -Romans 8:14, 15

Philippians 2:15

Áko t'áadoo bee nihik'idahót'ahígóó índa niha'át'e' ádaadingo Diyin God ba'álchíní doo ádaqah dahat'aahii dadoohleel, áko díí binda'adlo'go doo ts'íid át'éégóó ahoolehígíí bitahdi nahasdzáán bikáa'jji' adiníldíinii nahalingo da'díinóldíin.

Éi baq Bóhólníihii ádíiniid, Doo oodláanii bitahdeé' wóshdeé' ch'ihóhkááh, Áádóó t'áá sahdii bits'áaji' ahokááh, Áádóó ha'át'ihída t'óó badaa'ihii t'áadoo baa ndaah't'ini; Áko nihich'ji' k'é nisdzingo shaa hidoohkah, Áádóó nihiTaa' nishlji doo, Áko nihi t'éiyá shiye'ké índa shitsi'ké danohlji doo, ní Bóhólníihii Ayóó'át'éii. —II Cor.6:17, 18

Ndi t'áá'altso dahoniizí'igíí, éi házhi' dayoodláago yaa dadzóliiii, Diyin God ba'álchíní dadooleelgo bee'óhólníih baazhdini'á. —John 1:12

Diyin God Éí Tó Tsi'na'iiláii Hait'éego Yeinít'íigi

Galatians 5:19-21

Áko ts'isee k'ehgo baa ooldahii éí t'áadoo bahat'aadí: jó éí adilyé, na'ageh bee tsi'na'adá, baa'ihgo ntsáhákees, baa yádahasinii baa oodáál, e'elyaii bich'í' nahadlá, na'adlo'go álílee bee nahaghá, ak'e'diniih, ahin'diiltláád, adáhonooni, áháchí', ałk'iji' na'anish, ałch'áqh na'a'na', alts'á'áldah, ooch'íid, diné naatseed, tó tsi'na'iiláii yidlá, t'áá na'níle'dii adlá, áádóó t'áá akónáádaa-t'éii. Ákót'éii yaa ndaakaiígíí Diyin God bee bóhólniihgo bił haz'ánii doo bí' dadooleel da dishniigo t'áá átséedi bee nihi'nílnii' yéę bee nihináá'nishniih.

Romans 13:13, 14

Haa'isha' jįigo áhát'inígíí beelt'éego hazh'ó ádeii'niil doo, t'áadoo adlá baa ndeikaii, t'áadoo tó tsi'na'iiláii deiidláni, t'áadoo ajil baandeikaii, t'áadoo baa'ihgo adádaniilnini, t'áadoo ahináádadii-jahí, índa t'áadoo da'ahiilch'ídi dooleel. Ndi Bóhólniihii Jesus Christ bee hadadohne', áádóó ts'isee k'ehgo bidádahonooniini t'áadoo bá nahosool'áni.

Wáin bighá jíchxii'go t'áadoo baa nánit'ini; bee adláni bee sikáągo bizhéé' ha'níłhoshgo ayi' góyaa ahidinaadgo t'áadoo baa nánit'ini. Bílátah dahalzhihgo t'íiish nahalingo adilhash, áádóó t'íiish áninígíí nahalingo adilhash. —Prov. 23:31, 32

T'áá Ákóne' Ásht'í Hwiindzin Doo Biihah Da

Matthew 22:37, 38

Jesus áhodiíniid, Nijéi t'áá'át'é bee áádóó nii'siziinii t'áá'át'é bee, índa níni' t'áá'át'é bee Bóhólniihii niDiyin God ayóó'íini'ni. Éi ts'idá aláahgo áádóó aláajjì' beehaz'áanii át'é.

Mark 10:17-22

... Na'ntini yá'át'éehii níliinii, haash deeshniilgo iiná doo nínt'i'ii shee hodooleel? Áko Jesus áhodiíniid, Ha'át'iisha' biniyé yá'át'éehii shidini? T'áálá'í ndi doo yá'ájít'éhí da, t'áá hazhó'ó Diyin God t'éiyá. Bik'eh ó'oo'níitii nil bééhózin: Ts'idá doo azhdilée da, Ts'idá doo azéé'jit'jìh da, Ts'idá doo azhni'jìh da, Ts'idá doo t'áá'ádzaagóó hojilne' da, Doo hona'adlo' da, Nizhé'é áádóó nimá nil nilí. Áko ázhdiíniid, Na'ntini, eii t'áá'altso t'áá álchíni nishíjdáá' bik'eh honish'jì'go hoolzhiizh. Áko Jesus ayóó'áhó'níigo honéel'jì'go áhodiíniid, T'ááláhigo haz'á t'ahdii bee nich'í' anáhóót'i'; nilááh ndídáahgo nee hólónigíi t'áá'altso naa nahóniihgo bee shóisínilt'e'ígíi badahojooba'úigíi bitaadiíni, áko yá'aashdi naalyéhé ilíinii nee hólóq dooleel; áádóó dah diináahgo tsin'alnáosziid ndiitjìhgo shikéé' yináal doo. Ndi kót'éego ha'oodz'ígíi bik'ee yíniil dzizl'jì'go baqah háni'go dashdiiyá; háálá t'áá'íyisi ajit'í.

Proverbs 16:25

T'áá ákóq hoht'i'góó hinishná diné nízin, ndi hool'áagóó aniné biyi'jì' bá dah dahodiit'í.

Ni'dódleeh Lágo

Ephesians 5:6

T'ááká diné la'da saad t'áadoo dabiniyéhígíí yee nihida'dóleehiila', háálá ákódaat'éhígíí biniyé Diyin God t'óó báhádzidgo bibee'até'él'iinii éi doo ak'eh hól'í ba'alchíní bik'idahwiileeh.

I Corinthians 6:9, 10

Doósh nihíł béeedahózin da? Doo ákogi ádaat'éii Diyin God bee bóhólniihgo bíł haz'áanii ts'idá doo bíí' dadooleel da. Éi baq t'áadoo yóó'adanihíni'áhí: na'ageh bee tsi'dajikáahii, e'elyaii bich'í' ndahojilaii, dazhdiléii, hats'íis bee adádazhnoolniinii, diné t'óó baa yáhásingo t'áá hó ahaa ninájildéehii, doodaii' dazhni'íihii, hwe'ácháadahwíidéeni'ii, da'jidláanii, da'dzódziihii, aghada'jii'nílii éi Diyin God bee bóhólniihgo bíł haz'áanii lá'í ndi doo hóó' dadooleel da.

James 1:22

Diyin God bizaad bik'eh dahonol'í, t'áadoo t'óó dadoohts'a'go ádinda'ohdlo'í.

I John 3:7, 8a

Sha'alchíní, t'ááká la'da nihi'dóleeh lágo! Ts'idá t'áá ákogi ájoonílii éi Christ ts'idá t'áá ákogi át'éii nilínigi át'éego ts'idá t'áá ákogi át'éii jíł. Baqhági ájít'inígíí éi nílch'i bi'iiníziinii binant'a'í bits'áádéé' hojílq, háálá nílch'i bi'iiníziinii binant'a'í éi t'áá hodeeyáádéé' baqhági ááníł . . .

Galatians 6:3

Háálá diné t'áadoo nilíní da ndi ayóó'ánisht'é nízinii, éi ádina'adlo'go át'é.

Baąhági'át'ėii Bee Aniné Nihwiileeh

Romans 5:12

Diné t'áałazhdilt'ėhígíí hwee nahasdzáán bikáa'gi ádił ni'iidziíh hazłíí'. Áko baąhági'át'ėii bee aniné hazłíí'go nihokáá' dine'ė t'áá'altso daniné silíí', háálá t'áá'ádzíłtso ádił nda'dziisdzií'.

James 1:15

Áko baąhági'át'ėego adáhonooní i'niiltsaąhgo baąhági'át'ėii yilchííh, áádóó baąhági'át'ėii yėe niniséehgo aniné yileeh.

Jó ts'isee k'ehgo ndzinii éi aniné nináhádleeł, ndi Níłch'i k'ehgo ndzinii éi iiná índá ach'í' hózhó nináhádleeł.

—Romans 8:6

Ayi'siziinii ádił ni'iisíihii dadootsaal. Azhé'ė jílíinii éi doo ákwii 'ájíít'íidígíí haye' doo yik'ė ti'hwiidoonih da, índá haye' doo ákwii 'áát'íidígíí doo bik'ė ti'hwiizhdoonih da; t'áá ákogi ájooníihii bits'áádóó éi t'áá ákogi é'ėt'ėii hoł hólóq doo; doo yá'áshóqóó ájooníihii bits'áádóó éi doo yá'áshóonii hoł hólóq doo.

—Ezekiel 18:20

Luke 15:32

T'áá ákónéehee nihíł dahoneeni índá nihíł dahózhó, háálá díi nitsilí daaztsáq nt'ėé' hinááh násdłíí'; yóó'íiyáá nt'ėé' bénáhoosdzin.

Proverbs 11:19

Diné t'áá'ákogi ááníihii hináa dooleeł, ndi ádił ni'iilziíh hájít'íinii éi hodiyoohéel.

Christ Aniné Yik'eh Deesdlíí'

Luke 7:14, 15a

Áádóó hwiighahgi deeyáago bee ndaho'diltéhígíí yideelchidgo, da'ilteehéę deizi'. Áko daaztsánéę áyidiíniid, Dinééh, ánidishní, ndiidááh. Áádóó neezdáago, ayá'niilti'.

John 11:43, 44

Kót'éego hadzoodzii'go yéego hazhdoolghaazhgo ázhdiíniid, Lázaras, wóshdéę' ch'ininááh. Nt'ée' dadziztsánéeni' naak'a'at'áhi daalgaii hála' áádóó hakee' bik'idadeesdizgo, hanii'ji' áldó' bee ádit'oodi bik'idadeesdizgo ch'izhniyá. Áko Jesus áhodiíniid, Hak'i nda'ooh'áadgo, hodadohchiíd.

John 10:17, 18

Éi baą she'iina' t'áá shí náádideeshdléél biniyé ninádinish'aah, éi baą shiTaa' ayóó'áshó'ni. Éi diné doo la' shighaidoolyéel da, ndi t'áá shiniik'eh ninádinish'aah. Bee óholniíh shee hólóqgo ninádinish'aah, áádóó bee óholniíh shee hólóqgo náádideeshdléél; díi bi'deeshliilgo shiTaa' yee shá hool'a'ii át'é.

Revelation 1:18

Hináanii nishli; dasétsáą nt'ée', ndi k'ad shoo, ahóyéel'áágóó hinishná. T'áá ákót'ée doo. Anoonéel áádóó ch'jidiitah bibee'aandítihí shee hóló.

Diyin God Bibik'eh Ó'oo'niilii

Deuteronomy 5:7-21

T'ááká diyin náánála' dahólóogo íinisin yíila'. Ha'át'ihígíida bida'alyaii doo ádá'ádiilniil da; ha'át'ihígíi da yádilhił biyi'di dahólóonii, nahasdzáán bikáa'gi dahólóonii ndi dooda, áádóo táyi' naaldeehii aldó' doo bée'díidliil da; Áko éi doo bich'í' yaa ánéinit'íih da doo, doo ndi bich'í' nahóláa da dooleet; . . . Bóhólníihii niDiyin God bízhi' éi doo ilígóo doo bee háadaahdzih da doo, háálá t'áá háiida Bóhólníihii bízhi' doo ilígóo bee hadzoodzi'ígíi éi ha'át'e' doo haqah ádingo ahóle' át'ée da dooleet. Bóhólníihii niDiyin God t'áá yee nihich'í' haadzi'éegi át'éego háá'áyíih jí éi hodízingo ádeinóhsin doo. Hastáá jí t'éi nanilnish áádóo ninaanish altso bininánilnish doo . . . Nizhé'é inda nimá nił niljí le'. Bóhólníihii niDiyin God t'áá yee nich'í' haadzi' yéegi át'éego ts'idá doo azée'díit'íil da. Ts'idá doo adidíiléeł da. Ts'idá doo adiní'íil da. (Ts'idá doo t'áá'adzaagóo bił kééhót'iinii baa hólne'í.) Bił kééhót'iinii be'asdzáá t'aadoo bidáninilníní, bił kééhót'iinii bighan t'aadoo bidáninilníní, bikédaayahda, diné bá naal'a'ida, asdzání bá naal'a'ida, bibéégashiida, bitéliida doodaii' t'áá ha'át'ihída bihígíi t'áá'altso t'aadoo bidáninilníní.

Diyin God Doo Bits'aa Nízhdot'íh Át'ée Da

Job 34:21, 22

Diné adajooniligii t'áa'altso yini'í, inda ndajikaigoo t'áa'altso yoo'í. Chahalheelgi inda anoonéel bichaha'ohgi diné doo ya'ashoonii nízhdidoot'iligií éi t'áa há ádin.

Psalm 139:8 and 12

Yádilhił biyi'góó iiyáa ndi áadi honiló! Ch'íidiitahdi nétii ndi áadi honiló! T'áa'aanii chahalheel ndi doo nits'aa náshididool'íil da.... T'ée' éi jiiigo hool'inigií nahalin, háalá chahalheel éi adiindiiin t'áa bil aheelt'éego nini'í.

Jeremiah 23:24

Doo dahoot'íidi diné la' ndeest'íi'go yideestséelgo bineesh'á, ní Bóhólníihii. Yá'aash áadóo nahasdzaán t'áa'altsogoo bii' honishló, ní Bóhólníihii.

Proverbs 15:3

Bóhólníihii éi t'áadoo binii'ohigoo doo ya'ashoonii áadóo ya'át'éehii haisiid.

Luke 8:17

Háalá baa hasti'go dah nool'íilii ndi béehodooziiigo át'é, áko ha'át'ihida bik'é'esti'ée hahgoda báadi'dooltsosgo béehodooziiil.

Doo Diyin God K'ehgo Ádaat'éii Hool'áagóó Ti'dahooniih Doo

Matthew 13:41, 42

Diné Siljii'ii bidiyingo ndaal'a'ii iidiyool'aalgo, bee bóhólniihgo bil haz'aanii biyi'dóó biniinaa baqhági ádahat'iinii t'áá'altso inda baqhági ádaat'iinii ndeidiyoolahgo, hodook'áqł góne' adeidiyoolt'iik; áadi diné daachxa áádóó biwoo' ahideidilk'ash doo.

Matthew 18:8

Áko níla' éi doodaii' nikee' bee baqhági ánit'í ánóhsingo, éi k'inigéeshgo yóó'ahilhan; nits'iis lahgo ádin ndi éi doodaii' na'nílhod ndi iiná biih yiniyáájigo ná yá'át'ééh, ndi níla' t'áá alch'ijigo áádóó nikee' t'áá alch'ijigo hool'áagóó hodook' áqłji' andi'yoolgháqłji doo ná yá'át'ééh da.

II Peter 3:7

Áko k'ad Diyin God t'áá éi saad yee haadzi'éę bee yádihil inda nahasdzáán hólónigii kọ' yee iidooldijłji' hasht'eyósingo hoolzhish. Baa hoolzhiizhgo diné doo Diyin God dazdísinigii Diyin God há nihwii'aahgo hool'áagóó ti'dahojooniihgo há nihodiyoo'áál.

Psalms 9:17

Diné doo yá'ádaashóonii áádóó al'aq dine'é Diyin God yaa dayoonéehii t'áá'altso ch'ijidiitahgóó yi'iilniih doo.

Matthew 25:46

Áko díidí hool'áagóó até'él'í biyi'ji' dashdidookah, ndi t'áá ákogi ádaat'éii éi iiná doo nint'i'ii yiyi'ji' dah didookah.

Ánihwiit'aah Alaajj' Hóló

Acts 17:31

Háálá diné niiniltiinii la'ajj' nihokáá' dine'é ts'ídá t'áá ákogi át'éego yaa ndóot'ijlgo yee nihoni'á. Éi daaztsááqéé' néidiisáhígú bee t'áá'aanii ákóhodooniilgo diné t'áá'altso bil nibéédahwiizijhgo áyiilaa.

II Peter 2:9

Jó Bóhólníihii éi Diyin God deidísinii nabídahontaahii yits'áádóo yisdáyiiniilgo bil bééhózin, áádóo doo t'áá ákogi ádaat'éii ánihwiit'aah beinilkáajj' atíhodooliilgo bil bééhózin.

I John 4:17

Éi lá bee ayóó'ó'óni nihiyi' hadaalt'éego hasht'eelyaa ni, áko ánihwiit'aah beinilkáajj' doo ntsideiidáa da dooleel, háálá nihokáá'gi nihí aldó' t'áá bí át'éhígi ádaniit'é.

Hebrews 9:27

Áko nihokáá' dine'é t'ááláhídi dazdootsaalgo bee há haz'á, áádóo bik'ijj' Diyin God há nihodoo'áál.

II Corinthians 5:10

Háálá t'áá'ániiltso Christ bibikáá'dóo ánihwiit'aah bidááhdóo nihidiikah, t'áálá'í niitínigo t'áá nihits'íis bii' kéédahwiit'ijjgo ádeit'ijjéé bik'ehgo, yá'át'éehii éi doodaléi' doo yá'át'éehii ts'ídá bááh niidlíj góne' nihaa ndahódóot'ijl.

Romans 14:12

Ákohgo t'áálá'í niitínigo Diyin God bich'í' ádaa ndahodiilnih.

Jesus Christ Bibee'ajooba'

Romans 5:15

Ákondi t'áá jíik'e Diyin God ainiláii éi Adam doo ákóqó áát'íidéę doo bił aheelt'ée da; háálá Adam doo ákóqó áát'íidii biniinaa diné t'óó'ahayóí dadínézná, ndi diné t'áálá'ígíí Jesus Christ biniit'aa t'ah aláhídi át'éego diné t'óó'ahayóí Diyin God baa joozba'go t'áá jíik'e yisdábíinilgo bee ajooba' bilááh néés'aad.

Romans 9:16

Áko diné t'áá hó íiznizinií índá ájooníilii bik'ehgo éi Diyin God doo náhodiilteeh da, ndi t'áá bí haa a'ááh niizíí'go t'éiyá náhodiiltééh.

I Peter 5:5b

... háálá Diyin God éi ádaa daha'niihii yik'íj'í' nilí, ndi bibee'ajooba' éi a'ohgo ádaa ntsídaakeesii yee yaa jooba'.

II Corinthians 8:9

Háálá nihiBóhólníihii Jesus Christ bibee'ajooba' nihił béédahózin, jó éi azhá at'íj'í' ndi, bahojoobá'í silíj'í', háálá nihá bahojoobá'í silí'ígíí binahjí' nihi da'dooht'íj'í'.

II Corinthians 9:15

Doo altso baa hóne' át'éégóó t'áá jíik'e Diyin God nihainiláii bich'í' baa ahééh hasin!

Acts 4:33

Áádóó daal'aadii éi oo'íinii k'ehgo bidziilgo Bóhólníihii Jesus daaztsáqádéę' náábi'diilzáhígíí baa dahojoolne', áko t'áá'ádzíltso Diyin God bibee'ajooba' yee hak'ijisdli'.

Lahgo Át'éego Ntsínáhodeeskééz

Díidiígíí diné doo yaa ákodańizindáá' Diyin God doo bá yíl ífta' da, ndi k'ad t'áá'altsogóó diné t'áá'ádzíltso yee há has'áago áhální, Lahgo át'éego tsíndahidohkeesgo shich'í' ádíł nda'ayoolzi'éę bits'áhóhkááh.

—Acts 17:30

Dooda, nihidishnii ndi doo lahgo át'éego Diyin God bich'í' tsíndadookéezgo deisoohdlaądgóó nihi aldó' t'áá' ákot'éego ádadoohdijł.

—Luke 13:3

Áko Peter áhodiíniid, T'áálá'í nootínigo lahgo át'éego Diyin God bich'í' tsíndahidohkeesgo Jesus Christ bízhi' bee tó bee danihi'dółzıh, áko Diyin God bich'í' ádíł da'soolzıihęę nihá yóó'iididoo'áál áádóó Nılch'i Diyinii nihaa deet'áanii nihi' dadooleł.

—Acts 2:38

Acts 3:19

Éi baą nihibaąhági'adaat'éii nihá k'ééda'doochołł biniyé lahgo át'éego tsíndahidohkeesgo Diyin God bich'í' dah ndahidoohkááh, áko Bóhólníihii bits'áądóó bee ak'ééhwiitáadii nihee náhoodleł doo.

Háálá Diyin God k'ehgo yínił daniidłjigo éi lahgo át'éego Diyin God bich'í' tsínánihidiilkosgo bee yisdá'iildéehii yaa nihii'éesh, áko éi doo bik'édi daniidłjı da; ndi nihokáá'jí k'ehgo yínił daniljigo éi aniné t'éiyá nánıdłjı.

—II Corinthians 7:10

Matthew 3:2

Lahgo át'éego Diyin God bich'í' tsíndahidohkeesgo ádíł nda'iyohsıihii bits'áhóhkááh, háálá yá'aąshii bee bóhólnıihgo bil haz'áanii bilátah dahashzhiizh.

Ádil Ni'iilziih Á Yóó'ahidit'aah

Háalá diné nihich'í' doo ákóqó ádaát'íidéqé bá yóó'adahidoh'aahgo nihiTaa' yá'aqshdi hólóonii bich'í' doo ákóqó ádaot'íidéqé aldó' nihá yóó'iidii'aah doo.

—Matthew 6:14

Ndi diné doo yá'áshóonii ádil ni'iisii' yéqé t'áá'altso yóó'iidii'áago áádóó bee nihwiish'aahii t'áá'altso áádóó bee bá haz'áanii índa t'áá ákogi é'ét'èii yaa naagháago éi doo dadootsaal da; t'áá'aanii hináa dooleel.

—Ezekiel 18:21

Jó'akon, ch'é'étiindéqé' sézíggo dáádilkal nánists'in; t'áá háiida shidiizts'á'ígúí índa aq yidinitáni-gíi bíl yah adeesháalgo bíl adeeshííł índa shil adooyíł.

—Revelation 3:20

Isaiah 55:7

Doo yá'ádaashóonii bini'dii bá dahont'i'ii yóó'adeidii'aah, áádóó diné doo ákogi át'éégóó ntsikeesii bini'dii Bóhólníihii yich'í' dah ndiidáahgo áko yaa a'ááh dínóozíł áádóó nihiDiyin God yich'í' dah ndiidzáago lq'ídi há yóó'anéididoo'áál.

Acts 5:31

Ízrel dine'é lahgo át'éego Diyin God yich'í' tsínda-hidookosgo áádóó bibaahági'ádaat'éii bá yóó'iididoo'áalgo bá ashja'ósin dooleel biniyé Jesus, Alaaji' Siziinii índa Yisdá'iiniilii nilíi dooleelgo Diyin God binish'náaji dah yineesdá.

Áko bida'oodla' yee aa dadzóliii jiiłts'áago diné bitah doo nahwii'nánigúí ábizhdíiniid, Shiye', ádil ni'iyínilzi'éqé ná yóó'adoot'á.

—Mark 2:5

Nihokáá' Bił Ndahazt'i'ii Bits'á'iildéehgi

Titus 2:11, 12

Háálá diné t'áá'altso yisdéidiyoonil biniyé Diyin God bibee'ajooba' yee nihich'i' yit'ini i'diilyaa. Áko díi yee nanihintin, díi nihokáá'gi doo Diyin God k'ehgo iináanii índa ts'ísee k'ehgo adáhonooníinii yóó'adahidiit'aah, áádóó hazhó'ó ádaa ádahwiilyáago ts'idá t'áá ákogi át'éego índa Diyin God k'ehgo dahinii'náago ánihósín doo.

Yá'aqshdi dahólóonii t'áá'iiyisi haleebée baa ntsídaahkees, nahasdzáán bikáa'gi dahólóonii éi dooda. —Colossians 3:2

Ephesians 5:11

Áádóó chahalheel biyi' baa da'ildéehii t'áadoo náoodle'i ádaat'éii t'áadoo bee atah danohíni, ndi doo nihil adaaniígóo yit'ini ádaahle'.

T'áá nihí tá'ádadohgis; t'áá nihí chin ádaqah daaldéeh; doo yá'át'ééhgóo ádaahníigíi shináál yóó'adahidoh'aahgo ádil nda'ayohsihígíi bik'idohkááh. —Isaiah 1:16

Nahasdzáán bikáa'góo dahólóonii t'áadoo ayóó'ádeínóh'nini, nihokáá' bił ndahazt'i'ii ndi dooda. T'áá háiida nihokáá' bił ndahazt'i'ii ayóó'ájó'ninigíi éi Diyin God aTaa' bibee'ayóó'ó'ó'níinii doo hwii' hólqo da. Háálá nihokáá' bił ndahazt'i'ii t'áá'altso, ats'iis yidánoolniinii, áádóó anáá' yidánoolniinii' áádóó iiná bee ádaa hodzódlíii éi doo Diyin God aTaa' bits'ááqéé' ádaat'ée da, ndi nihokáá'dóo ádaat'é. —I John 2:15, 16

Ániidíii Bee Náá'ázhchį

Ezekiel 36:26

Ajéi ániidíii ında áhwiindzin ániidíii nihiih náhideeshnił; nihijéi daatséhęę nihii'dóo hahideeshnił; ajéi dit'ódii nihiih náhideeshnił.

I John 2:29

Christ ts'idá t'áá ákogi át'ėii nilįgo nihil béedahózin. Áko t'áálá'í jinítinigo ts'idá t'áá ákogi ádajit'iinii Diyin God bits'áądóo náadahó' dizhchįgo aldó' nihil béedahózin.

II Corinthians 5:17

Éi baą t'áá háiida Christ yił lá'í nilįgo éi diné ániidíii ábi'diil'įh; t'áá shiidąą'dii bee biyi' áhoot'éhęę bits'áąji' yóo'iildohgo, jó'akon ániidíii bee biyi' hońt'i' yileeh.

I John 5:18

T'áá háiida Diyin God bits'áądóo bi'dizhchíinii baąhági'át'ėii doo t'áá náás yoolt'ihgóo nihil béedahózin, háálá Diyin God biYe' haa áhályá, áko doo yá'áshóqógóo naagháii doo haada hóle' át'ée da.

John 3:3

Jesus áhodíiniid, T'áá'aanii, t'áá'aaniígóo ándishní, diné doo náabi'dizhchįgóo, Diyin God bee bóhólniihgo bil haz'áanii ts'idá doo yooltséel át'ée da.

I Peter 1:23

Háálá náadanihi'dizhchį, álástsii' dildzidii bee éi dooda, ndi doo dildzidii, éi Diyin God bizaad hináanii, doo bá nihońt'i'ii bee náadanihi'dizhchį.

Ádil Ni'iilziíh Bich'i' Da'aztsá—Christ Bee Náá'diijé'

Ephesians 2:1 and 6

Áko doo ákqó ádaah't'ineé áádóo ádil nda'ayohsi-
hée biniinaa Diyin God bich'i'go dasinoonáá nt'ée',
ndi Diyin God hinááh ándanihiidlaa. Áko Christ
Jesus bil náádanihizhdiljée'go yá'aqash haz'áadi bil
naháatáago ánihijilaa.

Colossians 3:1

Christ bil náádanihi'diiljée'go, Diyin God
binish'nááji Christ dah sidáadi dahólóonii hádaah't'i.

I Peter 2:24

Baqhági'át'éei bich'i' danee'náago ts'idá t'áa
ákogi ádaniit'éego dahinii'náa doo biniyé Christ t'áa
bí bits'iís yee nihibaqhági'át'éei ák'iidiit'áago
tsin'alnáosid baqhji' yil ti'hooznii'. Éi bik'indzis-
k'áago ábi'diilyaaigii bee hadaah't'é ndasoohdlí'.

Galatians 5:24

Áádóo Christ Jesus bí' dajiliinii éi ts'isee k'ehgo
be'adáhonooni' áádóo bee laanaa daznizinéé tsin-
'alnáosid baqhji' bil o'oolkaal.

Romans 6:2 and 11

... Baqhági'át'éei bits'aa danee'náago, ha'át'iish
biniyé t'ahdii t'áa éi bii' dahinii'náa doo? T'áa
ákót'éego nihí aldó' baqhági'át'éei bits'aa
dasinoonáago, Jesus Christ nihiBóhólniíhii bee
Diyin God bá dahinoonáago bee ádaa ntsidaahkees.

Hool'áágóó Iiná

Galatians 6:8

Háálá t'áa háiida t'áa hó hats'íis yidánoolníinii k'izhdíiláhígíí t'áa éí áhodooldijílii ádá shóizhdoolt'eel, ndi Níłch'i Diyinii bá k'izhdíiláhígíí éí Níłch'i Diyinii bits'áądóó iiná doo nínť'i'ii ádá shóizhdoolt'eel.

John 3:14, 15

T'áa honoojidi Mózes éí t'iish dah hizhdiilt'e' yéęgi át'éego, Diné Siljii dah hididoolt'eel, áko t'áa háiida boodláago baa dzólihígíí éí doo ádoodijl da, ndi iiná doo nínť'i'ii bee hólóę dooleel.

Áko iiná doo nínť'i'ii éí díi, ni t'éiyá t'áa'aanii Diyin God niljigo néedahodoosijl, inda Jesus Christ yínił'a'ígíí aldó' yéedahodoosijl. —John 17:3

John 3:36

T'áa la' aYe' joodláago beijólíii éí iiná doo nínť'i'ii hwee hóló; t'áa la' aYe' doo joodláágóó doo bik'eh hojil'iinii éí iiná doo yizdooltséel da, ndi Diyin God t'óó báhádzidgo bibee'até'él'iinii hak'igi hóló.

Romans 6:23

Háálá Diyin God bich'j' ádił ni'iidziih éí aniné niyiilé, ndi Jesus Christ nihiBóhólníihii bee Diyin God éí iiná doo nínť'i'ii t'áa jík'e nihainíla.

T'áa'aanii, t'áa'aanígóó ánihidishni, t'áa háiida shizaad yidiits'a' áádóó shiníł'a'ii yoodlánígíí, éí iiná doo nínť'i'ii bee hóló; áádóó doo baa náhódóot'ijl da, ndi aniné bits'áądóó iináajj' iiyá. —John 5:24

Yisdá'iildééh Hoł T'áá'aaniigo

Isaiah 32:17

Áádóó t'áá ákogi é'ét'éii éi hashtehodít'é íil'í;
áádóó t'áá ákogi é'ét'éii bits'áádóó il hodéezyéél
índa hoł t'áá'aaniigo ákót'éii iidéélní.

Galatians 4:6

Áádóó ba'álchíní danohlinígíi baq Diyin God éi
haYe' biNítch'i Diyinii nihijéi yiih yiyíil'a'go, Ába,
shiTaa', níigo ná'ookqah.

John 14:21

Bee nahosél'áanii hoł bééhózingo bik'eh hojil'íinii
éi ayóó'áshijó'ní; áko ayóó'áshijó'nínígíi éi shiTaa'
ayóó'áhó'níi doo; shí áldó' ayóó'áhósh'níi doo, áko
hach'í' ádééhodeeszíil.

Romans 8:16

Nihijéi t'áahdi Nítch'i Diyinii t'áá bí nihinítch'i íil-
ní, Diyin God ba'álchíní danohł.

I John 3:18, 19

Sha'álchíní, Ayóó'áda'íinii'ní, dadii'níigo t'áadoo
t'óó ádadii'níní doo, ndi t'áadoo nídi ayóó'áda'ahíi-
nii'níigo alk'indeiildzil doo. Díi kót'éego t'áá'aaniinii
bíi' daniidlłigo nihil béédahózin, índa Diyin God bi-
dááhdóó t'áadoo ntsideiikaii doo.

I John 4:13

Diyin God haNítch'i Diyinii nihaazhníl'a'ígíi bee
Diyin God hwii' dahoniidlłó áádóó nihii' hojilłogo
nihil béédahózin.

Christ Hwii' Hólóogo Il Hózhó Haidii'aah

John 17:13

Ndi k'ad nich'ì' nihéénisdzá; áko shibee'ilhózhó bee bini' dabiighahgo bee bił dahózhóq dooleel biniyé diidígii nahasdzáán bikáa'gi bee hahasdziih.

Romans 14:17

T'áá ha'át'ihigiida yidáanii, doodaii' t'áá ha'át'ihigiida yidláanii éi Diyin God bee bóhólniihgo bił haz'áanii doo bídeét'i' da, ndi ts'ídá t'áá ákogi é'ét'é áádóó k'é hwiindzin inda il hózhó Níłch'i Diyinii eidii'aahii bídeét'i'.

Galatians 2:20

Jó Christ bił tsin'alnáoszid baqjji' shił o'oolkaal; áko k'ad hinishnánigii éi doo t'áá shí hinishnáa da, ndi Christ shii' hinánigii bee hinishná; áko k'ad hinishnánigii éi Diyin God biYe' ayóó'áshó'niigo shá daaztsáanii baa jínishligii bee hinishná.

Isaiah 12:3

Éi baq tó hadahadlehdóó tó bee yisdá'iildéehii baa nił hózhóqo hahileeh doo.

John 15:11

Shibee'ilhózhó nihii' dahólóq doo biniyé dii bee nihich'ì' hahásdzii', áko nihini' bíighahgo nihil dahózhóq doo.

Psalms 16:11

Iiná bá hońt'i'igii shił bééhózingo áshiinilaa; honilóqgi t'áá'iiyisi bee il hózhóonii hólóq, ninish'náájí baa honeeninii hólóqo ahóyéel'á.

Bóhólníihii Bik'eh Hól'í T'áá'ákónéehee

I Samuel 12:15

Ndi Bóhólníihii bizaad doo bik'eh dahonol'ígóogo inda bibik'eh ó'ooníilii bich'í' nidaalteehgo Bóhólníihii éi danitaa'áa atíyíil'íidéegi át'éego yee atí'él'íinii yee nihik'iji' nilíi doo.

Romans 6:16

Da' díish doo nihíł bédahózin da? Naalte' ak'eh dahól'inígi át'éego la'da baa ádasidooh't'áago t'áá éi binaalte' danohłigo aniné yíih nihidoo'ish; ndi Diyin God bik'eh dahonol'íggo binaalte' danohłigo iiná ts'idá t'áá ákogi át'éii yíih nihidoo'ish.

II Thessalonians 1:7-9

Áádóo nihich'í' ndaho'diilnánéé nihíł háádadool-yíhgo nihaididoo'áál, Bóhólníihii Jesus bidiyingo ndaal'a'í ayóó'ádabóodziilii yíl yá'aashdéé' yit'ini áyiilaago inda ákóhodooníil. Diyin God doo béédahodzásinéé inda nihiBóhólníihii Jesus baa hane' yá'át'éehii doo bik'eh dahojíl'inéé kọ' bits'áhodino'ii yee k'ééhodidoodlíil. Áko hool'áágóo atídaho'diilyaa doo, Bóhólníihii áádóo bibee'adziil ayóó'át'éii bits'áho'dee'nilgo tí'dahojooníih doo.

Deuteronomy 11:26-28a

Jó nihidáahgi díi jí ak'ihojidlíii inda hóyée'go bee áha'doodzihii ninílá. Jó, Bóhólníihii nihiDiyin God bibik'eh ó'oo'níilii díi jí bee nihich'í' haaszii'ii bik'eh dahonol'íggo nihik'idahojidlíi doo. Ndi Bóhólníihii nihiDiyin God bibik'eh ó'oo'níilii doo bik'eh dahonol'ígóo éi hóyée'go nihá ha'iidziih doo.

Christ Bee Ádee Hane' T'áá'ákónéehee

Philippians 2:11

Áádóó Diyin God nihiTaa' baa ha'niih doo biniyé diné t'áálá'í jinitínigo Jesus Christ éi Bóhólníihii nilí, dajiniigo bee hadahizdoodzih.

Matthew 10:32, 33

Éi baq t'áá háiida diné bináál shee ádééhodzílziní-gíi, shí aldó' shiTaa' yá'aashdi hólóonii bidááhdéé' hwee ádééhodeeszíł. Ndi t'áá háiida diné bináál, Doo hwééhasin da, shididooniígíi, shí aldó' shiTaa' yá'aashdi hólóonii bidááhdóó, Doo hwééhasin da, hodideeshniil.

Romans 10:9, 10

T'áá ni nizaad bee, Jesus éi Bóhólníihii nilí, diniigo bee ádee hadíinídzi'go, áádóó Diyin God éi Jesus daaztsááqdéé' néidiisáago nijéi bee yinídláago yisdánidi'dooltéél. Háálá hajéi bee Jesus joodlaqho ts'ídá t'áá ákogi ájít'éego há ha'adzih, áádóó t'áá hó Jesus bee ádee hazdidzihgo yisdáho'diltééh.

I John 2:23

T'áá háiida aYe' doo ádízhdeélt'i'góó hadziidziih-gíi éi aTaa' doo hwee hólóq da, ndi aYe' ádízhdeélt'i'-go hadziidziihígíi éi aTaa' niliinii hwee hóló.

Luke 9:26

Háálá t'áá háiida shí índa shizaad baa yáznii'ígíi, éi Diné Silí'ii t'áá bí bee bits'ádi-níliidii áádóó biTaa' índa diyingo ndaal'a'í bee bits'ádi-níliidii yił níyáago hó aldó' haa yádínóozíł.

Nilch'i Bi'iiníziinii Aláahgo Nihe'ana'í Nilí

I Peter 5:8

Hazhó'ó ntsidaahkees áádóó hada'ísídól'íí'. Náshdóitsoh bitsíijí' ditl'ooígíí biyi' nahodi'ni'go yidoolghahíi haintáago naagháhigi át'éego nilch'i bi'iiníziinii binant'a'í, nihi'ana'í nilíinii nanitá.

Matthew 4:1 and 10, 11

Ñt'éé' nilch'i bi'iiníziinii binant'a'í Jesus nayídí-nóotah biniyé Jesus éi Nilch'i Diyinii honoojúgóó abíísá. Ñt'éé' Jesus ánáádi'ní, Yówehdi naniná, Séitan! Háálá Diyin God bizaad bee ak'e'ashchíinii áni: Bóhólníihii niDiyin God bich'í' nahóhłáa doo, Áádóó t'áá bí t'éiyá bá nanil'a' doo. Ákohgo índa nilch'i bi'iiníziinii binant'a'í hak'ideeyáago dahodiile'. Áádóó jó'akon diyingo ndaal'a'í haa haaskaigo há chodaoz'íjd.

Ephesians 6:11

Béesh éé' bee na'abaahii Diyin God nihaidiní'ání-gíí t'áá'át'é bee hadadohne' áko nilch'i bi'iiníziinii binant'a'í binahagiz bik'íj' bídanool'áago ndasoozjí doo.

Acts 26:18

Bináá' aq ádadíiliil áko chahalheel bits'áají' adíndíinjí' áádóó Séitan bibee'óhólníihii bits'áají' Diyin God yich'í' dah ndahididookah índa shich'í' ádil nda'iisihígíí bá yóó'adahididoot'áál, áádóó dashoodlánígíí bee Diyin God diyingo ádayiilaii bil hó dadooleelii baa dadoolyéél.

Nilch'i Bi'iiníziinii Bik'eh Hodidlǵıǵı

Áko ında baqaháǵı'át'ėii yee sızıinii yit'ınıı idi'doolnıı, áadóó Bóhólnııhıı Jesus nádzáago bits'adı'nılıidii yee yit'ınıı í'diilyaago, bizéé'déé' biyol yee baqaháǵı'át'ėii yee sızıinii yidiyoothéelgo údoolǵıǵı. —II Thessalonians 2:8

Éı baq Diyin God baa ádadiyoht'aah. Nilch'i bi'iiníziinii binant'a'ı bich'ı' ndaalǵılgo nihits'á-doolwol. Diyin God baa hohkááh, áko bı aldó' nihaa doogáál. —James 4:7, 8a

Hebrews 2:14

Sha'alchınıı bijinínıǵıı éı bits'ııs áadóó bidil dahóló, áko t'áá éıǵı át'ėego Jesus aldó' hats'ııs hazlǵı'. Aniné bee bóhólnııhıı, nilch'i bi'iiníziinii binant'a'ı nilíinii, ázhdoolǵıǵı biniyé dadziztsá.

Romans 8:35 and 37

Ákosha' háı Christ ayóó'ánihó'ninıǵıı yits'ánihi-doonil? Da' ach'ı' nahwıı'náash? Da' tsıstl'ahazt'i'ish, da' atı'él'ıısh, da' dichinish, da' té'é'ıısh, da' náhádzidish, da' diltlish bee nihi'diısyıǵıgoósh? Doo-da láq! Jó Christ ayóó'ánihó'nıinii bee ak'eh hididlehıı biláahdi ádaniit'ėego át'ė.

I John 3:8

Baqaháǵı ájıt'inıǵıı éı nilch'i bi'iiníziinii binant'a'ı bits'áádéé' hojıló, háálá nilch'i bi'iiníziinii binant'a'ı éı t'áá hodeeyáádéé' baqaháǵı áanııl. Diyin God bıYe' éı nilch'i bi'iiníziinii binant'a'ı binaanish údoolǵıǵı yiniyé níyá.

Ayóó'ó'ó'ní Éí Íhojiil'aahii Bee Hwééhoozijh

I John 4:20

Diné la'da, Diyin God ayóó'óósh'ní, jinii ndi hak'is jijoólaago, biyooch'iidii jilí, háálá éi hak'is t'áa joo'íi ndi doo ayóó'ájó'núgóó, ha'át'éegosha' Diyin God doo joo'íi da ndi ayóó'ájó'nii dooleel?

I Corinthians 13:1

Azhá dadine'é inda diyingo ndaal'a'í dabizaad bee yáshti' ndi, bee ayóó'ó'ó'níinii shii' ádingo t'óó béeshlitsoii yilghaalgo inda ahídi'niigo hahóól'áago diits'a'ígi áníst'é.

John 13:35

Ayóó'áda'ahíínóh'núigo shídahool'aahii danoh-lijgo diné t'áa'altso bil béedahózin doo.

Galatians 5:22, 23a

Ndi Níłch'i Diyinii bineest'a' éi díi: ayóó'ó'ó'ní, il hózhó, hasht'ehodit'é, nizaadgóó ha'ahóní, ajooba', yá'át'éehii, a'ahódlí, a'ohgo é'ét'é, ádaa áháya.

John 21:16

Naakidi aleeh góne' anááhodoo'niid, Sáimon, John biye' níliinii, da' ayóósh'áshííní'ní? Áko anáábizhdi'ní, Aoo', Bóhólníihii, ayóó'ánósh'núigo nił bééhózin. Áádóó anááhodoo'niid, Shidibé baa áhólyá.

Aniné bii'dóó iiná bii'jii' ahiikaigo nihil béedahózin, háálá Christ bee nihik'isóó danilíinii ayóó'ádeíní'ní. Hak'is doo ayóó'ájó'níinii éi t'áhdii aniné bii' hojiló. —I John 3:14

Jesus Christ Náádiidzáhigíí

Acts 10:39-41

Áko Jew dine'é bikéyahgi áádóó Jerúsalemgi baa njiyáhigíí t'áá'altso nihí dabiínáalii daniidlí. Tsin yaqah dah dahodiilt'e'go dahwiisxí; ndi tági jí aleeh góne' Diyin God nááhodiisáago ho'doot'íigo áhoolaa, doo diné t'áá'altso dahoołtsąą da, nihí Diyin God nánihiizláo'ii t'éiyá dabiínáalii daniidlí-go, dadziztsáądédé' náázdiidzáoó bik'iji' doodíłłii áádóó doodíłłii hoł deiidąą'.

Romans 4:25

Doo ákóó ádeiit'íidii biniinaa Jesus ho'diisyí, índa t'áá ákogi ádaniit'éego nihá ha'doodzih biniyé dadziztsáądédé' nááho'diilzá.

John 20:26-28

Áádóó tseebíiskąągo hódahool'aahii kin góne' ninááháaztą, áko Thomas aldó' ákwe'é ajítah. T'áá ákót'éego ádá nááda'deeskaal, ndi Jesus baa honíle'go biní'gi yiizí'go ábidiíniid, Nihil dahózhóq doo. Thomas áyidiíniid, Kwe'é shila' bidinílchíidgo nínił'í'; áádóó k'ídílchíidgo shooshk'iizh góne' adílníh; áko t'áadoo doo iinídláni, ndi iinídlą. Thomas éi Jesus áyidiíniid, ShiBóhólníhii áádóó shiDiyin God!

Mark 16:9

Áko Damíigo aleeh góne' dadziztsáądédé' náázdiidzáoó bik'iji' t'áá'iiyisi t'ah abínigo Mary Mágda-liin, éi asdzáni biyi'dédé' níłch'i bi'iiníziinii tsosts'id hazhniłkaadéę, éi ts'ídá áltsé bich'í' yit'ini izh'diilyaa.

Náá'diijeeh Éí Ayóó'ánoolningo Bee Nihil Chodaho'iinii Át'é

Matthew 16:21

Áádóó bik'iji' Jesus éí Jerúsalemji' jideeyáago diné yá alajji' naaziinii áádóó aláahgo náada'iilnihii inda beehaz'aanii yínda'niltinii bik'ee la'ígóó ti'hwiizhdoonih, áádóó hodi'yoolyéel, inda tági jí aleeh góne', náahodi'doodlágíí éí hódahool'aahii bee bil ahozniilne'.

John 5:25 and 28, 29

T'áá'aanii, t'áá'aanígóó ánihidishní, bich'í' hoolzhish; k'ad ndi baa hoolzhiizh, daneznánígíí Diyin God biYe' biinéé' deididoots'ííł, áko t'áá'altso deidiizts'á'ígíí dahináa dooleel. Díidi t'áadoo bik'ee t'óó nihil adahayói; háálá bich'í' hoolzhish jishcháá' góne' naazhjé'ígíí t'áá'altso hwiinéé' deididoots'ííł, áko jishcháá'déé' háadahidookah; yá'át'éehgo ádaaniíl nt'é'ígíí iiná biyi'ji' náadidoojah, áádóó doo yá'áshóógóó ádaaniíl nt'é'ígíí éí ti'hoo'núih biyi'ji' bá ndahodiyoot'áál biniyé náadidoojah.

Romans 6:4-5

Áko dadziztsánígíí bee danihi'doolzi'ígíí bee hoł lá'í dasiidli'go hoł yóó'ádanihi'diilyaa, áko nihiTaa'yee ayóó'át'éii bee Christ daaztsáádéé' néidiisá-háagi át'éego nihi áldó' iiná ániidíii bee dayíniikáah doo. Háálá Christ daaztsánígíí át'éego bil danee'náago bee bil lá'í dasiidli'go, t'áá'ákót'éego áldó' dadziztsáádéé' náazdiidzáhígi át'éego nihi áldó' náadiije'ígíí bee t'áá'aanii hoł lá'í daniidli'go.

Bóhólníihii Bich'í' Hodílzín

Luke 1:74, 75

Éí nihida'ana'í bílák'eedéé' yisdánánihi'doo'nilgo t'áadoo ndeiildzidí bich'í' ndahwiidláa doogo nihaididoo'áál, nihí dayéelkaahgóó diyingo índa ts'ídá t'áá ákogi át'éego bá dahinii'náa doo biniyé.

II Corinthians 7:1

Ayóó'ánihósh'níinii, díí kót'éego nihaa deet'áago biniinaa, haa'íshá' nihits'íís índa nihiních'i niyiilchxqohii nahjí' kóadiilníít, áádóó Diyin God dadíniilzingo diyingo iiná hadaalt'éego ádadiilníít.

II Timothy 2:21

Diné la'da doo yá'ádaat'éehii bits'áádóó ho'díidee'go leets'aa' íl nilíigo choo'íinii nahojílin doo, diyingo áho'diilyaa doo, índa kin bee bóhólníihii bá chojoo'íi doo; t'áá'altsojí' yá'át'ééh ájooíil doo biniyé hasht'eho'diilyaa doo.

I Peter 1:2

Níích'i Diyinii bee diyingo ádanihi'diilyaago Jesus Christ bik'eh dahonol'íi doo, áádóó bidil nihik'ídadooltaago nihibaqahági'át'éii nihaqah ádingo íidoolíil biniyé t'áá átséedi Diyin God aTaa' nilíinii nihá yinahaz'áago atah nihíizláá'. Bibee'ajooba' índa bibee'ach'í'hózhó náhásdlí'íi k'ee'aq yileelgo yee nihik'íjidlíi doo.

I Peter 1:15

Ndi Diyin God nihiká ádíiniidígú diyin nilínigi át'éego nihí dó' t'áá'altsojí' diyingo dahinoónáa doo.

Bóhólníihii Bich'ì' Hodiyyin

Isaiah 35:8

Áádóó ákwii azdoolkò'go atiin doo, áko ákóq' atiin dooleet; éi hoñt'i'ígíí diyingo hoñt'i' hoolyée doo; t'óó baa'ihii bee jiiánígíí Diyin God yee nihoní'áanii bik'ehgo doo ákóq' ch'izhdoogáal da; t'áá háiiida ákóq' yigáligíí azhá doo hóyáq' da ndi doo yits'ádoogáal da.

Hebrews 13:12

Éi baq' Jesus aldó' t'áá bí bidil yee diné dadiyingo áyooliil doo biniyé Jerúsalem kin haal'áhígíí bits'áhwiini'áqadi ti'hooznii'go daaztsá.

I John 1:9

Baq'hági ádeiit'inígíí bee ádaa dahwiilne'go, hó ha'ahódlíii índa ts'idá t'áá ákogi áániilii jil'igo nihibaq'hági'adaat'éii altsò nihá yóó'azhdidoo'áal, áádóó doo t'áá ákogi ádeiit'iidéq' altsò nihaq' táazhdoogis.

Matthew 3:11

Lahgo át'éego Diyin God bich'ì' tsíndahidohkeesgo baq'hági ádanoht'éhéq' bits'áhóhkáahgo tó bee danihisíih, ndi shikéédéq' náájoodáligíí éi shiláahgo ájít'é, áko hakee' yishléel dooígíí doo báq'h nishl'ij da; hó t'éi Níhch'i Diyinii índa kò' bee danihidzisíih doo.

Áko bináal dadiniigin áádóó t'áadoo bee nihik'idahót'ahígóó dahinii'náa doo biniyé, t'ah doo nahasdzáán niit'aah bítséedi ayóó'ánihó'níigo Christ yee náníhiizláá'.
—Ephesians 1:4

Diné Níłch'i Bii' Hadadeezbinii

Luke 11:13

Áko nihi doo yá'ádanoh't'ée da ndi, aa doolyéelii yá'ádaat'éehii nihada'álchíni baa dadoohléelii nihil béédahózin; éi bilááh át'éego nihiTaa' yá'aqshdi hólóonii Níłch'i Diyinii bídayókeedii yeidiyii'aah.

Acts 1:8

Ndi nihi Níłch'i Diyinii nihik'i hoole'go bee adziilii nihee dahodooleel; áko Jerúsalemgi, índa Judíyagi t'áá'át'ée nt'ée' áádóo Samériyagi, índa nahasdzáán ndanees'áágóo shá daholne' dooleel.

Ezekiel 36:27

Áádóo ShiNíłch'i Diyinii nihii' dahólóogo, ádanihideeshlíłgo bik'eh ó'oo'niilii shihígii bik'ehgo déinóhkáahgo, áádóo bik'eh hoogáalii shihígii hadaosíidgo ádanihideeshlíł.

Romans 8:9

Ndi Diyin God biNíłch'i Diyinii t'áá'aanii nihii' dahólóogo, ts'isee k'ehgo doo dahinohnáa da doo, ndi Níłch'i Diyinii k'ehgo dahinohnáa doo. Diné ła'da Christ biNíłch'i Diyinii hwee ádingo éi doo Christ bíi' jíłjí da.

Acts 13:52

Áko ídahool'aahii yíni bíighahgo bíł dahóózhoqod índa Níłch'i Diyinii bíi' hadadéébíid.

Kót'éego sodazdoolzin, nt'ée' áłah jílinígi nahwiis'náá'; áádóo t'áá'adziltso Níłch'i Diyinii hwii' hadadéébíid, áko Diyin God bizaad t'áadoo náhoniyésí bee dahojilne'.

—Acts 4:31

Da'oodláni Ayóó'ánoolningo Bich'í' Nihodeet'áanii

Psalm 34:18

Yíniil ádajít'éii Bóhólníihii hwiighahgi hóló, áádóó níłch'i hwii'siziinii tídaanáanii yisdéidooltéel.

Isaiah 66:2

Háálá éi t'áá'altso ádeishłaa, áádóó éi t'áá'altso daashí, ní Bóhólníihii; díi diné bahojoobá'íii índa ádaa hojoolbá'íii shizaad yits'aq̄ yisti'ii bich'í' dídéesh'íł.

Revelation 21:4

Dabinák'eeshto' t'áá'altso yá yidoot'ol, aniné ádin doo, áádóó atínáhodindleeh ádin doo, áádóó cha ádin doo índa adiniih ádin doo, háálá áłtséédáq̄' dahólónéq̄ bił yóó'ahóoyá.

Psalm 37:3

Bóhólníihii baa dziíníłigo yá'át'éehgo áániil, áko kéyahgi kééhót'íi doo, áádóó t'áá'aanii na'altso' doo.

I Peter 4:12, 13

Ayóó'ánihósh'níinii, kq' nahalingo na'ihontaah bee nihéedahodoozjil biniyé bee nihich'í' áhooníłgíi t'áadoo bik'ee t'óó nihil adahayóí. T'áadoo áho'dólne'gi la' át'éégóo nashóhontaah t'áadoo danohsiní. Ndi Christ yik'ee ti'hooznii'ii bił alts'áq̄' da'nołk'iizigíi baa nihil dahózhq̄ le'. Áko Christ bee bi'oh adidilyéhii nihich'í' yit'íní silj'igo t'áá'íiyisi baa nihil dahózhq̄ dooleel.

Nabídahontaahii Bich'í' Bee Nihodeet'áanii

Hebrews 2:18

T'áá hó nahóhodi'ntaahgo ti'hodzooznii'; éi baq nabídahodi'ntaahii biká azhdoolwołgo bilááshneel'á.

Romans 16:20

Áko t'óó hodiína'go Diyin God, nihijéi bii' hózhqo-
go áyósinii, éi nihikétl'áahji' Séitan yidooljishgo
nihá yik'eh didoodleel.

Psalms 34:19

Diné t'áá ákogi áániilii yik'ee ti'hooníihii
t'óó'ahayóí; ndi éi t'áá'altso bits'áaji' Bóhólníihii
yisdábiilteeh.

Isaiah 43:2

Tó biyi'góó ch'ihináahgo nił honishłqo doo; áádóo
tooh daníliinii biyi'góó ch'ihináahgo doo nik'ididool-
kqql da; kq' biyi'góó ch'ihináahgo doo ndidoolil da;
doo ndi kq' dah nídíno'ii nídína' da dooleel.

Romans 8:28

Diyin God ayóó'adayó'níinii t'áá bí yinahaz'áanii
bik'ehgo yiká ádíiniidigii bich'í' áhooníligii
t'áá'altso bá yá'át'éeh dooleelgo ahindaalnish áyó-
singo nihil béedahózin.

I Corinthians 10:13

Bee na'ihontaah diné t'áá'altso bich'í' áániilii
t'éiyá bee naníhodi'ntaah, ndi Diyin God éi
ba'ahódlí, áko éi bídanool'áanii biláahdi nanihího-
dínóotahgi doo yee has'áq da, ndi na'ihontaah t'áá
bił ch'ihónt'i'go nihá iidooliil, áko bídanool'áq doo.

Ak'eh Dadidlíinii Bich'í' Bee Nihodeet'áanii

Revelation 3:12

T'áá ak'eh deesdlí'ígíí shiDiyin God bikin bii' sohodizin biyi' áyahnií'áii jílíggo áhodeeshlíí; áko áádóo doo ch'ínáázhdoodaal da, áádóo shiDiyin God bizhi', índa shiDiyin God bikin haal'áii bizhi', éi Jerúsalem ániidíii yá'aqshdéé' shiDiyin God bits'áádóo hadahodooleehi, índa t'áá shí shízhí' ániidíígíí hakáa'gi bee bik'e'deeshchíí.

Revelation 3:5

T'áá ak'eh deesdlí'ígíí algaigo hadadít'ée doo, áádóo iinááji naaltsoos biyi'dóo házhi' ts'idá doo k'ée'deeshchóol da. ShiTaa' índa bidiyingo ndaal'a'i dabináál házhi' bee ádee hadideesdzih.

Revelation 3:21

T'áá ak'eh deesdlí'ígíí shí akeh dëshdlíí'go shiTaa' bibikáá'dóo nahat'áii bikáa'gi bíl dah níkéhígi át'éego, shibikáá'dóo nahat'áii bikáa'dóo shíí dah dínóokeelgo baa dideesh'áál.

Revelation 21:7

T'áá ak'esdeesdlí'ígíí díí hóó' dooleet: haDiyin God nishlígí doo, índa hó shiye' jílígí doo.

Revelation 2:7

T'áá háiida daz'diits'a'ii Níłch'i Diyinii éi da'oodláni álah ndaadleehii kwíílníigo yee yíł halne'ígíí hání'dii dajíists'áá! T'áá ak'eh deesdlí'ígíí Diyin God bikéyah hózhónígí iiná tsin baqhdóo adooyíłgo baa dideesh'áál.

Diyin God Ałts'á'ít'aash Yee Nihich'ì' Yáłti'

I Corinthians 7:10, 11

Ndi da'ayéhígíí t'éiyá k'ad kót'éego bá haasdziih, ndi shí dooda, Bóhólníhii éí haadziih, éí e'esdzáá jíłínii hahastiin doo yóó'azhdidoo'áał da; ndi yóó'azhdíí'áago doo hánáá'doogeh da, doodai' bíł k'é ná'ahizhdidoo'niil; áádóó ahastiin jíłínii hwe'asdzáá doo yóó'azhdidoo'áał da.

Luke 16:18

T'áá háiida hwe'asdzáá yóó'azhdíí'áago áádóó náánálahjí' asdzáni bá náá'dzisgehígíí éí azhdííłáago át'é, áádóó asdzáni yóó'abi'doot'ánęę t'áá háiida bá náá'ázyehgo éí azhdííłáago át'é.

Romans 7:2, 3

Asdzáni hahastiin hólóonii hahastiin hináago beehaz'áanii yee hótą; ndi hahastiin hats'áá' daaztsáago beehaz'áanii bits'áají' hwéédíchi'. Hahastiin t'ah hináago náánála' diné bíł ahaa náájít'ashgo adiléii bee ho'dójii doo. Ndi hahastiin hats'áá' daaztsáago éí beehaz'áanii bits'áají' hwéédoochid doo, áko azhá náánála' diné bíł a'haa náájít'ash ndi doo adiléii jíłii da.

Matthew 5:32

Ndi shí ánihidishní, t'áá háiida hwe'asdzáá doo adilée da ndi t'óó yóó'azhdíí'ánígíí éí asdzáni adidooléelgo bee bá hojiil'a'go át'é; áádóó asdzáni yóó'abidoot'ánęę la'da bá náá'ásgehgo éí diné adííłá.

Christ Nínáádoodáál

John 14:3

Áko áá níyáago nihá hasht'ehooshlaago, áádéé' náádeeshdáál, áádóó ákóó nánihideesh'ishgo, honishlónídi nihí áldó' áadi dahonohlqo doo.

Revelation 3:11

Jó'akon, tsijlgo deesháál. Diyin God k'ehgo nihee dahólónígíí yéego dayínóhta', áko nihinaat'ách'ah la'da doo nihighaidoot'áal da.

Mark 8:38

Áko t'áá háiida díí adilyé bee índa baqhági át'éego ahoolchiilii biyi' la' shizaad áádóó shí shaa yáznii'ígíí, t'áá éí Diné Siljii'ii bíTaa' bits'ádi'níliidii yee diyingo ndaal'a'í yil yíkaigo haa yádínóozijl.

Matthew 24:30

Áko índa Diné Siljii'ii bee bééhózinii yádilhil biyi'di yidooltséél; áadi índa nahasdzáán bikáa'gi a'aa dine'é t'áá'altso dadoocha, índa yádilhil biyi'déé' Diné Siljii'ii k'os bil yildohgo áádóó bee adziil índa ayóó'át'é ats'ádi'níliid yil yigáalgo deizdooltséél.

James 5:8

Nihí dó' hada'iínólní. Nihijéí bidziilgo ádeínóhsin, háálá Bóhólníihii ndoodáligíí koshidéé' hadziih.

Matthew 24:27

Jó ha'a'aahjí jiiilgishgo e'e'aahjí' ndi tsé'naa bee i'didla'ígi át'éego, Diné Siljii'ii doogáál.

Christ Nínáádoodáál

I John 3:2

Ayóó'ánihósh'níinii, k'ad Diyin God ba'alchíni daniidlí. Ádaniit'ée dooleelii t'ah doo bééhózin da ndi, Christ nádzáago t'áá bí át'éhígi ádaniit'é dadiidleelgo nihíł béédahózin, háálá ázhnoolnínígíi nihíł béédahodoozjíl.

Revelation 16:15

Jó'akon, ani'jhiigi át'éego nishááh! Doo alhoshii áádóó bí'éé' yaa áhályáanii éi bik'ihojidlí, áko doo t'áá lichí'igo naagháa da índá doo t'óó baa yáhodoozjíl da.

Luke 12:40

Éi baą nihí áldó' hasht'e'áda'díinólzin; háálá Diné Siljii'ii doo ndayínóhlii da yéęgi hoolzhishgo doogáál.

Acts 1:11

Áko áhodíiniid, Gáliliidóo hastóí danohliinii, ha'át'iish biniyé yá biyi' góde dasídóo'jígó nisoozí? Díi Jesus nihits'áá' yá'aash góde abi'dooltínígíi, t'áá yá'aash góde hooleelgo daoltsánigi át'éego nínáádoodáál.

Matthew 16:27

Diné Siljii'ii biTaa' bee bits'ádi'níliidii yee bidiyingo ndaal'a'i yil dookah, áko índá diné t'áálá'i jínitínigo ádajít'jídéę bik'ehgo haa dadi'yoolyéél.

Luke 21:27

Ákohgo índá Diné Siljii'ii k'os bił yildohgo áádóó bee adziil índá ayóó'át'é ats'ádi'níliid yil yigáalgo deizdooltséél.

Diyin God Bizaad

Luke 21:33

Yádihit índa nahasdzáán bit yóó'ahodoogáál, ndi shizaad t'éiyá doo bit yóó'ahodoogáál da.

Matthew 22:29

Ndi Jesus hach'i' hanáánáádzii'go áhodíiniid, Nda'ayohsiih, háálá Diyin God bizaad bee ak'eda'ashchinígíí índa Diyin God bibee'adziilii doo nihit béédahózin da.

II Peter 1:21

Háálá Diyin God bizaad baa hane'ígíí éi diné la' doo t'áá bí iinízinígíí bik'ehgo yaa hoolne'ii át'ée da, ndi diné bit dahodiyinii éi Níltch'i Diyinii yádabiilti'-go Diyin God yá dahoolne'.

II Timothy 3:16

Diyin God bizaad bee ak'e'ashchinií t'áá'altso Diyin God il halne'go bee ak'eda'ashchí, éi na'ntin biniyé, adidooteh biniyé, k'éhézdón ninádoodlóós biniyé, índa t'áá ákogi é'ét'é bóhoo'aah biniyé choo'í.

Psalms 119:11

Doo nich'i' ádit ní'iisiih da doo biniyé nizaad shijéi bii' ndél'íí'.

Psalms 119:105

Shiláaji' tókq'í bee adoodla' nahalingo nizaad bik'ehgo nihidishtaal, áko yisháálgóó bee shá adiindín.

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

World Missionary Press, Inc.
P.O. Box 120
New Paris, IN 46553-0120 USA

Watson Goodman
éí saad Ahíyíinil

Doo bááh ilíni da—Doo nahaniih da